



ᑎᓄᓐᓂᓄᓐ ᑎᓄᓐᓂᓄᓐ
Building Nunavut Together
Nunavutluqatigiingniq
Bâtir le Nunavut ensemble

Hanayugut Auladjutikhanik

Nunavut iluittua 2 milian'nguyut kilamitangik angiktilaaqaqtuq avataatirutaa, inugiangnialu avatqumayut 31,000-nguyut nunaqaqtut 25-ni nunallaani inugiangniit uumanga 130-nit 6,699-nut.

Nunallaani Auladjutikhat

Nunavunmi 25-nguyut nunallaat hiamihimayut ukiuqtaqtup nunaani 20%-nguyuuq Kanatap nunaani. Piqaqhuni nunallaani auladjutikhanik ayuihautikqainaqtut – unгахiktuliania, amigairyuuminalu nunagiyaat, hanagiami igluqpanikakituryuaqhuni maaluatauttimuta uladjutitikatulimaittugitayuhautauvaktut ikayuutigiyaamingni inuuhiqattiar nirmut, pitquhirmut, piyangaiyarnirmut nunallaani.

Ayuqhautiqaraluaqhutik Nunavut Kavamangat (GN) ikayurumainaqtut atulluaqtakhanik pivaliadjutinik ikayuutikhainiglu nunallaani. Naupkainikkut uktuutiqaqhimaarniagullu Atauttimiuyut Nunallaat Pinahuarnirmut Upalungaiyarniagut (ICSP), nnunallaat naunaiqhigumik qanittumut unгахiktumullu auladjutikhatitutquomadjutaayut ikayuutauniaqtut hakugigiangita inuuhiqattiarriangita nunallaat. ICSP-tkut 'uumayunik' titiqqat aulayukhat nunallaani hivunikhaptiingni angigliyuumiriangat ihumagiyaayut piyumayuyauillu nuatqatigiit tamaita.

Apqutit


Nunavut apqutiqannginami atadjutikhanik nunallaat. Nunallaani, apqutit uyaralianginat. Kavamatkut ihumaliuqpaktut qanurliqaak apqutuliurniaraluaqqat ukiuqtaqtumit ausaimut Kanatami. Hadja ihumagivagaat qanurliqaak hila ittumi aullaarvikhaq Kivallirmit Manitobamut.

Umiat Tuluqtarvikhaat

Nunavut umianiik tulurviqaluannginami. Nunavut hinaangit takitqiyaublutiglu tamainit avikturviinit Kanatami, tamaitalu nunallaat tariup hinaaniittutik. Taimaa ayuqhautiqaqpaktut avikturvik angigliyuumigianganii piyangaiyaudjutikhait maniliirutikhait, angigliyuumiriangitalu iqalliqidjutiktik, hakgugikhariangitalu ininiirutikhaqtik.

Milviqarviit

Apqutailrumi tuluqtarviirumilu, tingmiinaqpaktut Nunavunmiut auladjutaagut ausaimut. Kihiani tamaita nunallaat milviqaqhutik, mikiyut nunallaat ikitqiyaniq mikiyuniglu tingmitiqaqpaktut. Ikayuuhiaqtaqhutik Kanatap Kavamanganit, Nunavut mailiqtuliqtut milviitauladjutikhanit, mikiyut nunallaat angigliyuumirianganii lqalungni milvik, atuqtaulluayuaqpangmat avikturvingmi.



Imiqtautigut/Anaqtautigut/Iqqakuurnikkut Munaqhiniagut

Halumayuqimaqihuaqtulluiqqakuurviitnakuudjutauyutinuuhiqattiarnirmutnunallaani.NunavutKavamangat maniliqtuiyumayuq nunallaani atuqtakhainik nunallaanik piyaanginik nakuuyunik imiqtarvikhainik, halumaqtihimayunikmarniknakuudjutigiyakahainiqqqakuuriangatnunamut,iqqakuurviitnakuutqiyayunik iqqakuurviqariamingnilu.

Kavamatkut piyumayut ihuaqtunik auladjutikhanik iniqhimaliriangita nunani haamlatkut ikayuutikhait nunalaamingni tamainni.Tamaita iqqakuuqtat ihivriutaudjuhiat iniqlihaaqhimayuq,taimaa unniudjtauvaktut Kavamatkunik kitulikiaq ihuariyangit napaqtuiyakhait munarittiaqtakhait iqqakuurviinut. Ilaalu, Kavamatkut hadja parnaiyaqtaat taavungaraaluk hivunikhaptingnut piyumayat ihivriuhigiangita qanurinmangaat qayurnarnirmi. Una ikayuutauniaqtuq naupkailirumik ayurnaittunik alruyautiqautinik munaridjutikhainiglu ihuaqtunik iqqakuurvikhainut.

Kayumiktukkut uqaqatigiidjutikhanut alruyaqtuqtunik

Nunavunmi atuqpainaqtut hilaryuani alruyaqturiidjutit ilauridjutikhainut piyumayangit. Akutivallaahuni Ukiuqtaqtuq qanuridjuhialu ayuqhautauhimaqpaqtut hanagiamingni nunamiittunik uqaqatigiidjutikhanik. Taimainmat, Nunavunmi atuqpaktut qangattariikhimayunik uqaqatigiidjutinik. Tatadjutauniaria akitudjuhialu ihumagiyaayukhat qaritauyakkuurutikkut uqaqatiqariamingni. Inuuhiqattiarniq piyangainiqattiarniq Nunavunmi ihuaqtuqarialgit, akituvallaanngituqarialgit, kayumiktuqarialgit uqaqatiutiqaliriamingnik. Kavamatkut atuqpaliqtut aalltqiinik pidjutikhanik atuqhutik kayumiktunik qaritauyakkuurutimik – tiiviikkut qun'ngiaqhutikuqaqatigiyamingik,atuqpaktutqun'ngiaqtaqaqhutiktaaktitmunaqhiqarvingni,uuktuutigilugu. Qaritauyakuurutiqariami naupkaqtautaaqtut Nunavut nunallaangini.

Uqqumadjutit

Nunavut aturaanginaqtuq aqiiqtuhimayunik uqhuryuanik inuudjutauyaangani ubluqtamaat, Hitamauyut agyaqtauqattaqtavaktut 114 miliat liitauyut uqhuryuanik uunaqtauyukhat, 33.4 miliat liitauyut uqhuryuanik alruyaqtuurutikhanut, 17.8 miliat liitauyut kasiliikhait akhaluutit imaalu 43.8 miliat liitauyut tingmitit uqhuryuahangit. Uqhuryuat agyaqtauvaktut nunallaanut auyaraangat tutquumagiangini uqhuryuaqarvingni niuviqtauqattaqtayukhat ukiuraaluk.

Nunavut kavamangat akiliqtuhimayaat una niuviqtiublutik akikhilaangalunilu Nunavunmiunut. Kavamatkut angitqiyayuyukhat maniqautimingnit hamunga uqqumadjutikhaq.

Kavamatkut uqqumadjutingagut upalungaiyautait uqauhiqaqtut naunaiyariiqtangit akiliutikhayut, aturyuatailidjutikhailu unalu atopalliapkailutiglu atuqpalaariitkutikhanik uqqaudjutiknik. Ukuu ilayut qiniqhialutik aallatqiinik pauvautikhanik angitqiyayunik imaa imarmit qurluaqtunik uqqumadjutikhaliurnikkut, hiqinirmit uunarnnianit anirimit uqqumadjutikhanik. Imaatut, kavamatkut qiniqhialirmiyullu uqqumadjutit atuqluaqpallaatailidjutit atuqpalaariitumi uqqudjutiknik taimaa uqhuryuanginnamik atuqpallaariitumik.

